

## UGOVOR o kolektivnom osiguranju uposlenika

### I UGOVORNE STRANE

1. **KANTONALNA UPRAVA CIVILNE ZAŠTITE KANTONA SARAJEVO**, ulica Fehima ef. Čurčića br. 1., 71000 Sarajevo, koju zastupa direktor Dženan Brkanić (u daljem tekstu: **Ugovarač osiguranja**), s jedne strane,
2. **UNIQA OSIGURANJE D.D. SARAJEVO**, ul. Obala Kulina bana br. 19., 71000 Sarajevo, kojeg zastupa direktorica, Senada Olević, (u daljem tekstu: **Osiguravatelj**), ID broj: 4200137020002.

### II DEFINICIJE U UGOVORU

**Osiguranci:** Uposlenici zaposleni kod Ugovarača osiguranja.

**Korisnik osiguranja:** Uposlenik kojem se vrši isplata osigurane svote.

**Osigurani slučaj:** Iznenadni i od volje osiguranika nezavisni događaj koji se desi pri vršenju ili izvan vršenja redovnog zanimanja (24 sata dnevno), a ima za posljedicu osiguranikovu smrt usljed bolesti, smrt usljed nezgode, trajni invaliditet usljed nezgode, troškove liječenja u bolnici i dnevna naknada po danu za boravak u bolnici.

### III PREDMET UGOVORA

#### Član 1.

Predmet ovog ugovora je nabavka usluga kolektivnog osiguranja uposlenika Ugovarača osiguranja, prema specifikaciji, za period od 01.04.2022. godine u 00.00 sati do 31.03.2023. godine do 24.00 sati.

Ugovor se zaključuje na osnovu Odluke o izboru najpovoljnijeg ponuđača, broj: 06-11-303-8/22 od 10.03.2022. godine i ponude Osiguravatelja, broj: 20220302-0016-000041 od 02.03.2022. godine, a dostavljena 03.03.2022. godine.

### IV UGOVORENA CIJENA

#### Član 2.

Ugovorena premija osiguranja iznosi 665,00 KM mjesečno za sve uposlenike Ugovarača osiguranja. Ukupno ugovorena premija osiguranja na godišnjem nivou za 210 uposlenika Ugovarača osiguranja, u vrijeme zaključenja ovog ugovora, iznosi: 7.980,00 KM.

Predmetne usluge osiguranja su oslobođene od obračuna PDV-a u BiH, u skladu sa Zakonom o porezu na dodanu vrijednost ("Službeni glasnik Bosne i Hercegovine" broj: 9/05, 35/05, 100/08 i 33/17). Sume osiguranja i premija osiguranja ugovorene su u KM.



## **V NAČIN I ROK PLAĆANJA**

### **Član 3.**

Plaćanje ugovorenih usluga će se izvršiti u cjelokupnom iznosu po potpisanom ugovoru i ispostavljenoj fakturi, najkasnije u roku 30 dana od dana prijema iste, putem JRT Kantona Sarajevo na žiro račun Osiguravatelja, uplatom na žiro-račun broj: 1610000015590821 otvoren kod Raiffeisen bank d.d.

## **VI ROK ISPLATE ZA NASTALU OSIGURANU ŠTETU**

### **Član 4.**

Rok isplate osigurane sume je 30 (slovima: trideset) dana i računa se od dana prijave osiguranog slučaja sa kompletnom dokumentacijom, u skladu sa uslovima za osiguranje lica. Osiguranje važi od 00,00 sati dana koji je označen kao početak osiguranja u polici, a prestaje u 24,00 sata dana, koji je u polici naveden kao dan isteka osiguranja.

## **VII POLICA OSIGURANJA**

### **Član 5.**

Za osiguranje uposlenika Ugovarača osiguranja od smrti uslijed bolesti, smrti uslijed nezgode, trajnog invaliditeta uslijed nezgode, kao i dnevnu naknadu i troškove liječenja, Osiguravač će izdati Ugovaraču osiguranja posebnu policu osiguranja, a u skladu sa ovim Ugovorom. Polica o osiguranju, iz prethodnog stava, zajedno sa spisikom uposlenika Kantonalne uprave civilne zaštite Kantona Sarajevo, čini sastavni dio ovog ugovora. Spisak sa brojem i imena uposlenika za organe, pripremit će Ugovarač osiguranja i isti dostaviti Osiguravatelju u roku od 10 dana od dana potpisivanja ovog Ugovora.

## **VIII VRIJEME TRAJANJA UGOVORA**

### **Član 6.**

Ugovor se zaključuje na period od godinu dana odnosno na period od 01.04.2022. godine u 00.00 sati do 31.03.2023. godine do 24.00 sati.

## **IX OBAVEZE UGOVARAČA OSIGURANJA I OSIGURAVATELJA**

### **Član 7.**

Ugovarač osiguranja će dostavljati eventualne promjene broja i imena osiguranika osiguravajućoj kući u roku od 10 dana od dana nastanka promjene po bilo kom osnovu – osiguranje pokriva period od dana nastanka promjene, a ne od dana dostavljanja obavijesti. Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja. U slučaju da se desi osigurani slučaj Osiguravatelj je obavezan na isplatu punih osiguranih suma za smrt uslijed bolesti i nezgode, kao i dnevnu naknadu i troškove liječenja, definisanih u obrascu za cijenu ponude Osiguravatelja. Osigurana suma za invalidnost isplaćuje se u procentu koji odgovara procentu invaliditeta i vrsti povrede, u skladu sa uslovima za osiguranje lica.



#### Član 8.

Osiguravatelj se obavezuje da će osigurati sve osiguranike od strane Ugovarača osiguranja, na način iz člana 2. ovog Ugovora.

### XI RJEŠAVANJE SPOROVA

#### Član 9.

Eventualno nastali spor po ovom Ugovoru, ugovorne strane će riješiti sporazumno, a ukoliko to nije moguće spor će riješiti Općinski sud u Sarajevu.

### XII PRELAZNE I ZAVRŠNE ODREDBE

#### Član 10.

Osiguravatelj nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### Član 11.

Na odredbe ovog ugovora, kao i za sve što nije regulisano ovim ugovorom, primjenjivat će se odredbe Zakona o obligacionim odnosima.

### XIII STUPANJE NA SNAGU

#### Član 12.

Ovaj Ugovor stupa na snagu danom potpisivanja obje ugovorne strane. Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

### XIV TUMAČENJE UGOVORA

#### Član 13.

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

OSIGURAVATELJ

D [redacted] CA M.P.



UGOVARAČ OSIGURANJA

M.P. [redacted] OR  
[redacted] anić



Broj: 2022-0001-000223  
U Sarajevu, 21.03.2022. godine

Broj: 06-11-303-10/22  
U Sarajevu, 21.03.2022. godine



